

# MAYURAUTAKKUT Anniqtailinikkut



## Aanniqaattumik Mayurautakkut Iliuraqniq Atuqniqlu

- Pilugu ihuaqtuq mayurutaq havaakhamun. Ihivriuqlugu mayurutaq atuqtinnagu; qinirhialutit ahiruqhimayunik tunmiqqanik qupihimanimiklu.
- Atuqlutit mayurautamik nakuutqiyauyumik nunamun, taapkuatut quyarnaattumik itigaqatunik kikiaqatunikuunniit.
- Iliuraqlugit mayurautat ahinin ukkuanin. Piyukhaukpat, hapukuuttiqlugu ukkuuq, nivingaqtirlutillu qayangarniqarnikkut naunaitkutininik.
- Naunaiyaqlugu qulaakkut inighaqarnia, aturuiqpiarlutillu havigaliknik alruyanikuunniit imuuqhimayunik mayurautanik haniani pauwakkut aulatjutini.
- Qunmuktityuummiqtiqlugu mayurutaq atauhiqmi miitamik atqaqvikhamin aanniqaattumik atqaqtiriami. Pihimalutit pingahunik kahakhimanikkut tutilirungni atqaqtilliruvilluunniit mayurautamin.
- Pipkarlutit atauhiqmik nalangayumik ukununga hitamanun nalruyunun tunngavianin nappangayumin.
- Qiliquqlugu mayurutaq tunngaviani qulaanilu, ulrunnaittumik.
- Pihimainnarlutit pingahunik kahakhimaninik mayurautami.
- Amigarhuruiqlutit mayuaruvit mayurautami.
- Naghaguiqlutit tamayanik mayuaqtillutit.
- Aturuiqlugik quulliqaak malruuk tunmiqait mayurautap.
- Pipkaqtihuiqlutit amigaitqiyaniq atauhirmin inungmik mayurautami atuqtauliraangat.

## Aanniqaattumik Uiguliriiktunik Mayurautanik Atuqningani

- Maliinnarlugit piliuqtiup maligutait. Pipkailutit taapkuak malruuk ilangik ihuaqumik qaliriikpaktuk.
- Ihivriuqlugu mayuaruti. Ilihimalutit tamaita kiluuttat kiluuttaqhimayut.
- Ililugit mayurautat attariktumi nunami, haniraanilu ingutaalaittuni hunani.

## Aanniqaattumik Tunmirautannuamik Atuqniq

- Ilihimalutit tungmirautannuaq tamanun angmarhimayuq, kiluuttaqhimayuqlu. Aturuiqlugu uigulitaulugu mayurautigilugu.
- Hanmilugu mayurutaq aturungni.
- Timit qitqaniitlugu havaktillutit mayurautami. Haniraanun tighinahuaruiqlutit.

Piyumagunni una ilitturipkaitjuti aallami uqauhimi, uqaqatigitjavaptigut.